

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за одбрану и безбједност
Босне и Херцеговине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajедничка komisija za odbranu i sigurnost
Bosne i Hercegovine

Zajedničko povjerenstvo za odbranu i sigurnost
Bosne i Hercegovine

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ

SARAJEVO

Broj: 03/1-50-14-7-10/24

Sarajevo, 8. 7. 2024.

PRIMLJENO: 16-10-2024			
Organizaciona jedinica	Klasifikaciona oznaka	Redni broj	

ЧЛАНОВИМА ЗАЈЕДНИЧКЕ КОМИСИЈЕ ЗА ОДБРАНУ И СИГУРНОСТ БиХ:

JASMINU IMAMOVIĆU, MARINI PENDEŠ, RADOVANU KOVAČEVIĆU, DARKU BABALJU, MILANU DUNOVIĆU, SLAVKU MATIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

PREDMET: Informacija o sastanku predsjedavajućeg Zajedničke komisije za odbranu i sigurnost BiH s vojnim atašeuom SR Njemačke u BiH, Sarajevo, 8. 7. 2024.

Predsjedavajući Zajedničke komisije za odbranu i sigurnost BiH Jasmin Imamović održao je 8. jula 2024. godine sastanak s vojnim atašeuom Savezne Republike Njemačke u BiH potpukovnikom Francom – Jozefom Nolteom.

Potpukovnik Nolte upoznao je predsjedavajućeg Imamovića s realizacijom Sporazuma o bilateralnoj vojnoj saradnji između Ministarstva odbrane SR Njemačke i Ministarstva odbrane i Oružanih snaga BiH, kao i s projektima koji su realizirani u okviru ovog sporazuma.


Tokom sastanka razmijenjene su ideje o realizaciji novih projekata, posebno u pravcu ugrađivanja višestruko korisnih panela s fotonaponskim ćelijama za proizvodnju energije na obnovljenim krovovima kasarni, čime bi se dao doprinos procesu dekarbonizacije naše zemlje i realizaciji evropske zelene agende. Kazano je da se na realizaciji takvih projekata već radi, što je predsjedavajući Zajedničke komisije za odbranu i sigurnost BiH Jasmin Imamović posebno pozdravio.

Potpukovnik Nolte izrazio je zadovoljstvo visokim stepenom stručnosti i efikasnosti nadležnih sektora u Ministarstvu odbrane BiH, zbog čega je Bosna i Hercegovina u protekle četiri godine realizacije posebnog programa infrastrukturnih projekata postala partner kome se vjeruje. Zbog uspostavljenog uspješnog partnerstva i profesionalne saradnje, visina doniranih sredstava za projekte obnove i rekonstrukcije infrastrukture u Oružanim snagama BiH narasla je s 300.000 eura u prvoj godini realizacije do 7,5 miliona eura, koliko će Ministarstvo odbrane SR Njemačke ove godine uložiti u različite projekte u cijeloj Bosni i Hercegovini.

Potpukovnik Nolte posebno je govorio o projektima zamjene starih krovova na vojnim objektima, kao i rekonstrukcije sistema grijanja u kasarnama Oružanih snaga BiH. Naglašeno je kako je njemački program podrške veoma fleksibilan i nudi brojne mogućnosti za nastavak saradnje, u skladu s potrebama i prioritetima koje prezentiraju nadležni sektori u Ministarstvu

odbrane BiH. U vezi s tim, potpukovnik Nolte najavio je da će realizacija programa bilateralne saradnje ministarstava odbrane SR Njemačke i BiH u sličnom obimu biti nastavljena i iduće godine.

Predsjedavajući Zajedničke komisije za odbranu i sigurnost BiH Jasmin Imamović izrazio je zadovoljstvo bilateralnom saradnjom dva ministarstva odbrane, naglasio je da ulaganja u infrastrukturne projekte daju odlične rezultate i predstavljaju primjer dobre prakse. U vezi s tim, zahvalio se vojnom atešeu SR Njemačke na njegovom angažmanu i najavio je da će članovi Zajedničke komisije u narednom periodu, u sklopu terenskih posjeta jedinicama OSBiH, posjetiti neke od objekata čija je rekonstrukcija finansirana iz programa Ministarstva odbrane SR Njemačke.



Dostavljeno:

- naslovu
- a/a